



DISCOURS D'OUVERTURE

JALSA SALANA

HAZRAT MUHYI-UD-DIN AL-KHALIFATULLAH
Munir Ahmad Azim

11 Novembre 2015
(28 Muharram 1437 Hijri)



Après ki li fine salué tous so bane disciples (et tous bane musulmans) entier le monde avec la salutation de paix dans l'Islam, Hadhrat Muhyi-ud-Din Al-Khalifatullah (atba) fine lire Tashahhud, Ta'uz, Surah Al Fatiha, et li fine ensuite cause lors le sujet de « Centenaire Spirituel de L'Ahmadiyyat à Maurice »:



Par la grâce d'Allah, azordi le Jamaat UI Sahih Al Islam pé célébrer so Jalsa Salana dans le nord de l'île Maurice. C'est ene Jalsa Salana historique dans l'histoire du Jamaat UI Sahih Al Islam kot faire cent temps sa l'année là même kot nous bane aînés ti accepter le Messie Promis du siècle passé, Hazrat Mirza Ghulam Ahmad (as) et c'est Allah (swt) ki fine oulé sa coumsa pour ki dans sa même l'île là, ene ti l'île ki difficile même pour trouve li lors map du monde, kot Allah (swt) fine élève So Messie de sa siècle là et li présent azordi pour célébré le centenaire du message du Messie du siècle passé ki fine rentre dans nous ti l'île.

Allah (swt) même fine oulé ki So Messie, So Khalifatullah même ki célébré Jalsa Salana 2015 ensemble avec bane chercheurs de vérité de sa siècle là. C'est Allah (swt) ki donne l'honneur à So bane serviteurs choisi dans ene grand l'évènement de sa l'année 2015 kot c'est Jamaat Ul Sahih Al Islam même ki fine être le premier pour tire ene magazine centenaire, faire so launching et bane conférences dans plusieurs villages de l'île, accompagner de bane travail social aussi.

Donc, azordi sa Jalsa Salana là ena ene l'autre statut et l'importance ; c'est ene Jalsa ki pé montrer le résultat de sa l'année de centenaire là, c'est Allah So calife (Khalifatullah) ki fine gagne sa véritable bénédiction là, kot bane ki ti faire bel bel sacrifices en 1915 pour gagne le message du Messie Promis et kan zot fine accepter, ki qualité épreuve zot fine passer. Zot épreuve et zot sacrifice pas fine alle en vain. Li fine rapporte so fruit kot dans sa même l'île là et au commencement sa siècle là, Allah (swt) fine élève So Messie, So Muhyi-ud-Din, So Khalifatullah, et ou content ou pas content, c'est Allah (swt) ki fine élève sa humble serviteur là et Allah fine fini décréter « **C'est Mo Khalifatullah ki pour gagne le dessus lors bane les autres Jamaat** » et sa bane là zot fine échouer à cause zot l'arrogance, vantard et kot zot fine tourne le dos avec Allah So Khalifa de sa siècle là et refuse pour croire dans So révélation et zot fine donne zot idole pliss l'importance. Donc, voilà ki résultat zot fine gagner, mais avant tous, Allah (swt) pé montrer zot même, c'est dans la simplicité, sans bane dépenses exagération, ki zot pou fer progrès, mais zot, ki zot faire ? Zot pé jette l'argent de bane contribuable ki fine contribuer dans le chemin d'Allah, pé jette sa dans de l'eau.

Allah (swt) fine faire So Khalifatullah honore sa centenaire là et Li fine fer li vine l'homme principale pour le centenaire sa l'année là dans tous so l'aspé et Jamaat Ahmadiyya fine perdi sa l'honneur honorable de côté d'Allah là. Jamaat Ahmadiyya de l'île Maurice célébré centenaire kot péna aucaine jus spirituel, pareil couma ene z'orange flétrie ki péna jus, malgré zot la caisse remplie avec l'argent, réservation bel bel la salle, capave ena invités mondaines, mais péna Allah So serviteur, péna la Lumière d'Allah pour donne sa *Noor* là, ene *Noor* spirituelle ki répanne partout, ki montré vraiment ene centenaire spirituel ki pas gagné dans la vie de n'importe qui sanlà. Surtout ene centenaire kot bane chercheurs de vérité fine faire beaucoup zéffort pour faire le message de Hazrat Mirza Ghulam Ahmad (as) rentre dans sa ti l'île là. Mais malheureusement pas fine conne valeur de sa centenaire là, beaucoup bane chefs spirituel même dans zot la vie pas fine réussi assister ene centenaire kot bane chercheurs de vérité fine passe par plusieurs épreuves pour ki sa message de Hazrat Massih Maoud (as) reste vivant jusqu'à azordi.

Dans ene centenaire pareil, ou capave invite bane grand personnages tel ki bane chefs d'état et les autres personnalités, mais si péna Allah (swt) So serviteur ki Li fine choisi dans sa siècle là, ki utilité célébration de sa centenaire là ? Ki li été sa? C'est ene centenaire purement spirituel kot

quelques dimoune fine reconnaite valeur ene Messenger d'Allah, ene dimoune ki fine vine de côté d'Allah avec le *Ruh-il-Qouddous* (le Saint Esprit): c'est sa ki nous appelle sa ene centenaire purement spirituel, kot ti bizin ena l'Homme de Dieu présent dans ene tel centenaire spirituel ! Mais azordi jour nous trouve tout le contraire kan ou vire le dos avec la Manifestation Divine et ou ridiculize ene Choisi d'Allah, et zot ti donne l'importance pliss ene Homme élu par l'homme, abé guette so résultat azordi.

Donc, pour moi avant tout là-dans ena : **La Ghaliba Illallah**. C'est Allah ki sorti victorieux et faire So Messie de sa siècle là faire sa bane travail noble là. Jamaat Ahmadiyya fine échouer partout à cause zot faire bouffon avec la Manifestation Divine. Par zot action même zot fine rentre dans l'obscurité et quitte la lumière d'Allah. Zot fine azir avec nous avec la haine, boycotte, pas faire salaam, faire casse relation familial, zot fine bien kimé lors mimbar de Hazrat Muhammad (saw) concernant la révélation divine.

Donc, mo ti dire zot ki faire zéffort ki zot envie pour fini nous, faire tous céki zot envie là aussi zot pas pou capave faire le Jamaat Ul Sahih Al Islam échouer. Mo ti dire zot si Allah dans zot coté, bé nous donne zot le temps pour vine en avant et faire céki zot envie, faire doahs, faire zefforts ki zot oulé, mette désordre kot zot envie et zot pour trouver ki dans sa l'année centenaire là même ki important dans l'histoire pour l'île Maurice, zot pour trouver avec ki sanlà Allah été et mo dire zot avec le nombre d'adhérents, le grand succès au Comores et d'autres pays et zot pour trouvez, *Insha-Allah* pliss bane signes, bane l'effet de *Barakat* (bénédictions). Sa c'est compétition ki nous bizin faire, nous, bane membres du Jamaat Ul Sahih Al Islam bizin continuer augmente nous niveau de *Taqwa* et soumette avec humilité.

Le Saint Prophète (saw) ti arrive lors stage le plus haut de **Maqamé Mehraj** (le plus haut degré/position/stage de l'ascension spirituelle ki ene dimoune capave atteindre) et Hazrat Massih Maoud Mirza Ghulam Ahmad (as) ki ti ena beaucoup connaissance lors le Saint prophète (saw) fine mette beaucoup l'emphase lors *Taqwa*. Bé azordi kot bane Ahmadis zot *Taqwa* ? Zot humilité fine allé, zot fine piétine l'enseignement de Hazrat Massih Maoud (as) emba zot lipié. C'est pour sa ki Allah (swt) fine élève So Messie, So Khalifatullah dans sa siècle là pour faire revivre sa bane enseignements là et c'est le Jamaat Ul Sahih Al Islam ki pé faire l'enseignement Hazrat Muhammad (saw) et Hazrat Massih Maoud (as) flotter dans quatre coins du monde.

Donc, nous bane membres du Jamaat Ul Sahih Al Islam, pas prend sa Jalsa azordi là comme ene Jalsa Salana ordinaire. C'est Allah ki fine prépare sa Jalsa là are So la main et zot participation là dans azordi li historique et ena tous So l'importance. Personne parmi nous pas ti penser sa l'année là couma nous Jalsa Salana pour réaliser, mais azordi nous fine témoigne li avec tant de programme et activités ki fine organiser à sa l'occasion de Jalsa centenaire là kot fine ena bane résultats spectaculaire. En même temps ki sa pé gagne bane succès, mais mo conné ki nous

bane l'ennemi si zotte conné ki kalité succès fine gagner zot pas pour capave supporte sa et zot pour doublé zot la raze pliss.

Donc, dans le *Ummat* de Hazrat Muhammad (saw) tous les temps pour ena descente de bane anges depuis lors le ciel et péna aucaine pouvoir ki pour capave vine ene obstacle là-dans. Et surtout dans bane période de testes, sa bane anges là descende pliss et ena pliss connexion entre Allah et le Jamaat Ul Sahih Al Islam ki Allah même fine fermement établi. Si sa connexion là couper, c'est la mort du Jamaat. Nous dans ene l'époque bien dangereux et nous sitan faible ki nous pas capave réplique bane dominère ki pé faire lors nous. Seulement nous besoin oublier nous douleur en pensant sa révélation là ki : « **Allah avec nous, tous avec nous** » et nous devoir malgré nous difficultés, nous bizin soulage les zot.

Selon Quran et Hadiths, pé explique nous couma pou faire zéffort pour établir dignité de l'humanité et encore, nous bizin empêche propage la haine au nom la religion (couma Jamaat Ahmadiyya pé faire avec nous azordi). Allah fine envoie bane religions avec So bane messagers pour promouvoir la fraternité et propage l'amour, non pas pour propage la haine. La honte sa ! Jamaat Ahmadiyya faire show avec le motto : **"LOVE FOR ALL, HATRED FOR NONE"**; purement hypocrisie. Si vraiment ti ena ene Khalifa divinement-guidé zamais li ti pour tolère so Jamaat mettre boycotte, pas faire salaam, casse relation familiale, mette la haine dans le cœur sak Ahmadis. Kifer ? À cause sa humble serviteur d'Allah là pé dire li gagne révélation de côté d'Allah. Bé guette zot résultat azordi, dans ki situation pénible et l'obscurité zot pé célébré centenaire Ahmadiyya à Maurice. Malgré zot pou mette la lumière artificielle partout pour montré zot fine bien illuminé, mais *Noor* d'Allah même na péna dans zot célébration.

Donc, le Jamaat Ahmadiyya céki zot fine faire avec nous dès le début de la Manifestation Divine le 1^{er} janvier 2001 fine basé lors la haine ki sa ex so-called Amir là avec so *Managing Comittee* ti ena et fine faire zot désordre. Sa désordre et sa dominère ki zot fine faire avec moi là, kot zot pas fine donne moi mo salaire et mo temps service ki mo fine travail, mo la sueur et ki reconnue par bureau du travail et c'est la loi à Maurice et même mo salaire dernier mois de Décembre kot mo ti dans Rodrigues, pas fine recevoir nannié, et d'après la loi aussi 3 mois préavis ti bizin donne moi, zot fine faire *Zulum* (dominère) lors salaire ene travailleur et zot dire ou, zot même ene bon Jamaat, la clé paradis trouve avec zot, zot ambassadeur paradis zot, kot zot responsable pour tous bane l'enseignements divine ki zot fine piétiner! Azordi zot pé jouer film d'amour lors bane panneau pour montré créatures zot bane grand STAR, mais divant le Créateur, Allah (swt) zot bane STONE (roche) ki personne pas pour reste protéger de sa di feu l'enfer ki pour brûle sa bane roches là.

Donc, bane membres du Jamaat Ul Sahih Al Islam bizin reconnaissant envers Allah (swt) qui fine ouvert zot le cœur à **Sahih al Islam** et bizin préserve sa bane l'enseignements divine là pour tous les temps. Zamais pas vine couma sa bane là, sinon ou aussi la haine pou prend place dans

ou le cœur, au lieu de l'amour pour ou frère. C'est sa le but du Jalsa Salana ki Hazrat Massih Maoud (as) fine établi, ki tous bane frères et sœurs du même Jamaat, de différent villages, la ville, pays vine Jalsa, pour rencontre zot frères pour établir l'amour, fraternité et sakaine comme zot frères, coumsa nous pas donne bane l'ennemis l'occasion pour réjouir avec contentement pour trouve bane frères de même Jamaat pé la guerre, pé discuté et sa par sa mauvais action là ou capave alle abaisse le Jamaat d'Allah. Faudré pas donne nous bane l'ennemis l'occasion pour sauter et danser avec contentement. Si zamais ene z'affaire fine arrive entre deux frères de même Jamaat, alors ene accepter perdi et prend patience et faire *duah*, c'est Allah (swt) ki pour change sa situation là, *Insha-Allah*. Coumsa Allah (swt) fine dire dans Quran, Surah Az-Zumar 39: 11: « **Certainement bane ki adopter la patience pour gagne ene récompense sans mesures** ».

Donc, mo termine lors sa verset Quran là même, ki péna aucaine compte ki faire avec bane ki montrer la patience. Donc prend patience, ou pour gagne so récompense *Insha-Allah*. Avec patience ou évite beaucoup désordre, évite la haine et beaucoup problèmes. Ki Allah donne sakaine parmi nous le *Tawfeeq* pour bien comprend le message ki ena dans sa discours d'ouverture du Jalsa Salana Centenaire 2015 là. *Insha-Allah. Ameen*.